

dū sunt, habent posse: & dum possunt, habent esse. Sed enim febrē ut malum, & de causa & de potentia sua, ut notū est, abominamur potius quā miramur, & quantum in nobis est praecauemus, non habētes abolitionem eius in nostra potestate. Haereses uero mortem aeternam, & maioris ignis ardorē inferentis malunt quidam mirari quod hoc possint, quā deuitare ne possint: cum habeant deuitandi potestatem. Ceterum nihil ualebūt, si illas tantum ualere non mirentur. Aut enim dum mirantur, in scandalū subministrantur: aut quia scandalizantur, ideo mirantur, quod tantum ualeant, quasi ex aliqua ueritate ueniant. Mirum scilicet ut malum uires suas habeat nisi quod haereses apud eos multum ualent, qui in fide non ualent. In pugna pugilum & gladiatorum, plerūq; non quia fortis est, uincit quis, aut quia non potest uinci: sed quoniā ille qui uictus est, nullis uiribus fuit: adeo idem ille uictor bene ualenti postea comparatus, etiam superatus recedit. Non aliter haereses de quorundam infirmitatibus habent, quod ualent, nihil ualentes, si in bene ualentem fidem incurrant. Solent quidem isti miriones etiam de quibusdā personis ab haeresi captis, aedificari in ruinā. Quare illa uel ille fidelissimi, & prudentissimi, & \* uetustissimi in ecclesia, in illam partem transferunt? Quis hoc dicens, non ipse sibi respondit? Neque prudentes, neq; fideles, neq; usitatos aestimandos, quos haereses potuerint demutare? Et hoc mirum (opinor) ut probatus aliquis retro, postea excidat? Saul bonus praeter ceteris, liuore postea euertitur. Dauid uir bonus secundum cor domini, postea caedis & stupri reus est. Salomon omni gratia & sapientia donatus à domino, ad idololatriam à mulieribus inducitur. Soli enim dei filio seruabatur sine delicto permanere. Quid ergo si episcopus, si diaconus, si uidua, si uirgo, si doctor, si etiam martyr lapsus à regula fuerit: ideo haereses ueritatem uidebuntur obtinere? Ex personis probamus fidē, an ex fide personas? Nemo sapiens est, nemo fidelis, nemo maior nisi Christianus. Nemo autem Christianus, nisi qui ad finem usq; perseuerauerit. Tu ut homo extrinsecus unumquēq; nosti: putas quod uides. Vides autē quousq; oculos habes. Sed oculi, inquit, domini alti. Homo in faciem, deus in praecordia contēplatur. Et ideo cognoscit dominus qui sunt eius: & plantam quam non plantauit, eradicat: & de primis nouissimos ostendit: & uetilabrum in manu portat ad purgandam aream suam. Auolent quantum uolunt paleae leuis fidei, quocunq; ad flatu tentationum, eo purior massa frumenti in horrea domini reponetur. Nonne ab ipso domino quidam discipulorum scandalizati deuerterūt: nec tamen propterea, ceteri quoq; discendū à uestigijs eius putauerunt: sed qui scierunt illum uitae esse uerbū, & à deo uenisse, perseuerauerunt in comitatu eius usq; ad finem: cum illi si uellent, & ipsis discedere placide obtulisset. Minus est si & apostolum eius aliqui Phygelus, & Hermogenes, & Philetus, & Hymenaeus reliquerunt: ipse traditor CHRISTI de Apostolis fuit. Miramur de ecclesijs eius, si à quibusdā

Als \* usitatissimi.

Als \* ille uel illis.